

Broj: 01-1-1496/22

Datum: 1.11.2022. godine

ZAPISNIK SA 16. REDOVNE SJEDNICE UPRAVNOG ODBORA JU BIBLIOTEKA SARAJEVA
održane dana 31.10.2022. godine (ponedjeljak) u poslovnoj zgradi Biblioteke, u ulici Mis Irbina br.4,
sa početkom rada u 16:00 sati

Sjednicu je otvorila i sjednicom predsjedavala Aida Čupović, predsjednica Upravnog odbora, konstatujući prisustvo sastava Upravnog odbora kako slijedi:

- Aida Čupović, predsjednica Upravnog odbora,
- Igor Radovanović, član Upravnog odbora
- Amila Taljanović, članica Upravnog odbora
- Ivana Henda, članica Upravnog odbora.
- Midhad Kurtović, član Upravnog odbora ispred kolektiva.

Sjednici također prisustvuje, i direktorica JU Biblioteka Sarajeva, Merima Lendo.
Zapisnik vodi Ajla Janjoš, voditelj Službe za pravne poslove

Predloženi Dnevni red jednoglasno je usvojen i glasi:

1. Razmatranje i usvajanje Zapisnika sa 15. sjednice Upravnog odbora JU „Biblioteka Sarajeva“ održane dana 28.9.2022. godine

Prilog: Zapisnik sa 15. sjednice Upravnog odbora;

2. Utvrđivanje zaključaka o realizovanim odlukama i aktivnostima sa prethodne sjednice;
3. Prijedlog Službe za nabavku i stručnu obradu bibliotečke građe za formiranje zbirke „Džepna biblioteka izabranih djela“

Prilog: Dopis Službe za nabavku i stručnu obradu bibliotečke građe

4. Razno;

Ad. 1

Razmatranje i usvajanje Zapisnika sa 15. sjednice Upravnog odbora JU „Biblioteka Sarajeva“ održane dana 28.9.2022. godine, **jednoglasno usvojen**.

Ad.2

Utvrđivanje zaključaka o realizovanim odlukama i aktivnostima sa prethodne sjednice, **jednoglasno usvojen**.

Ad.3

Pod tačkom 3. Dnevnog reda je prijedlog Službe za nabavku i stručnu obradu bibliotečke građe za formiranje zbirke „Džepna biblioteka izabranih djela“, te član UO Midhad Kurtović navodi da je zbirka već formirana i da je dogovoren da se sakuplja zbirka, kao i da je otkriveno da na odjeljenjima ima određenih zbirki koje treba povući.

Direktorica Merima Lendo: Upitala sam podnosioca dopisa da li je potrebno da ovo bude tema na Upravnom odboru ili je ovo dio redovnog poslovanja.

Predsjednica Aida Čupović: Cilj je objediniti i formirati zbirku, ali ne spada u domen Upravnog odbora, ovo treba biti upućeno direktoru koji će o tome odlučivati.

Direktorica Merima Lendo: Ja smatram da je to sve naše odjeljenje, i da možemo pomjerati sa jedne lokacije na drugu.

Midhad Kurtović: Mi imamo problema sa zbirkama (numerisanim i nenumerisanim bibliotekama/edicijama) koje su formirane u SFRJ, a još uvijek nisu kompletirane. Da bismo ih kompletirali ponekad je potrebno dislocirati publikacije s naših bibliotečkih odjeljenja u Depo koji se nalazi u centralnoj zgradbi Biblioteke Sarajeva. Nakon posljednjeg rata nismo mnogo uradili na formiranju novih zbirki bosanskohercegovačkih izdavača. Danas je vrlo teško kompletirati zbirku (biblioteku/ediciju) publikacija koje su izdavane prije 15 ili 20 godina zato što su kompletni tiraži davno rasprodani. Do takvih publikacija danas možemo doći samo preko poklona koje dobijamo od građana, kupovinom u antikvarnicama i sl. Na sastancima Stručnog kolegija trebamo odrediti ko će procjenjivati koje bismo bosanskohercegovačke zbirke trebali početi sakupljati. Pokušavao sam i ranije inicirati rješavanje ovog problema, ali nisam našao na razumijevanje onih koji su imali ingerencije da odlučuju o takvim stvarima.

Predsjednica Aida Čupović: Rješenje za mene je da se te stvari rješavaju na stručnom kolegiju. Vi učestvujete na tom kolegiju i ono što vi donesete trebaju ostali da realizuju.

Predsjednica Aida Čupović: Ja sam dala prijedlog da se to rješava na stručnom kolegiju, o čemu će odlučivati direktor, ako imate drugi prijedlog da stavimo na glasanje.

Prijedlog predsjednice UO Aide Čupović stavljen na glasanje.

Ostali članovi saglasni sa predsjednicom. 5 članova za.

Ad.4

Pod tačkom Razno direktorica Merima Lendo izvještava o dosadašnjim aktivnostima.

- a) Bili smo učesnici Internacionalne konferencije u Mostaru, ja sam bila prisutna na konferenciji u Mariboru Cobbis 2022., zatim sa 3 učesnika i na kofereciji Dani informacijske i medijske pismenosti.
- b) Dodijeljen nam je i poslovni prostor, što je objavljeno i u Službenim novinama, u ulici Paromlinska 35, te smo poslali Zahtjev za sklapanje novog Ugovora i onda će Općina Novo Sarajevo nama, kada bude potpisivanje Ugovora, predati i ključeve.
- c) Upoznala sam vas sa donacijom gospodina Muminovića, ta donacija ide dobrim tokom, obavili smo do sada 3 nabavke, nešto oko 12 000 KM/cca. 600 knjiga, je do sada utrošeno za te namjene, a nabavka je izvršena putem nevladine organizacije KULT, sa kojom smo uspostavili saradnju zahvaljujući gospodinu Muminoviću, obzirom da mi nismo mogli direktno nabavljati knjige.

- d) Bili smo dio priče i za Dan svjesnosti o bibliotekama, na naših 4-5 lokacija održane su radionice i promocije knjiga, tako da smo već šestu godinu zaredom učesnici ovog projekta, a ove godine smo i dobitnici zahvalnice za kontinuiran rad sa najmlađim korisnicima. Za 2.11.2022. smo primili pozivnicu od Osnovne škole „Šip“, da primimo zahvalnicu.
- e) Već sam vas obavijestila da je naša aplikacija odbijena od strane Zavoda za zapošljavanje u Programu 50+, međutim prije nekoliko dana su nas zvali da li smo još uvijek zainteresovani tako da ćemo ipak imati priliku sklopiti Ugovor sa jednom osobom kako smo već prethodno aplicirali na ovaj poziv.

ZAKLJUČCI:

- Zapisnik sa 15. sjednice Upravnog odbora JU „Biblioteka Sarajevo“ održane dana 28.9.2022. godine, **jednoglasno usvojen**.
- Utvrđivanje zaključaka o realizovanim odlukama i aktivnostima sa prethodne sjednice, **jednoglasno usvojen**.
- Treća tačka dnevnog reda je prijedlog Službe za nabavku i stručnu obradu bibliotečke građe za formiranje zbirke „Džepna biblioteka izabranih djela“, te je predsjednica UO dala Prijedlog da se formiranje zbirki i ostali stručni bibliotečki poslovi rješavaju na stručnom kolegiju i da o tome odluku donosi direktor, jer nije domen UO. *Prijedlog je stavljan na glasanje, ostali članovi su bili saglasni sa predsjednicom, te je svih 5 članova glasalo za navedeni prijedlog.*
- Pod tačkom Razno direktorica Lendo Merima izvještava o dosadašnjim aktivnostima i to učešće na Intenacionalnoj konferenciji u Mostaru, zatim u Mariboru Cobbis 2022., kao i Dani informacijske i medijske pismenost. Također ističe da je JU Biblioteka Sarajevo dodijeljen i poslovni prostor u Paromlinskoj 35, te da je JU Biblioteka Sarajevo zahvaljujući donaciji gospodina Muminovića utrošila oko 12 000 KM/cca.600 knjiga, nabavka je izvršena putem nevladine organizacije KULT, sa kojom smo uspostavili saradnju zahvaljujući gospodinu Muminoviću, obzirom da mi nismo mogli direktno nabavljati knjige.
- Nadalje, direktorica ističe da je JU Biblioteka Sarajevo za 2.11.2022. godine dobila pozivnicu za prisustovanje svečanosti u OŠ „Šip“ kako bi ujedno primili i zahvalnicu. I na koncu, direktorica je istakla da je potpisana Ugovor sa Zavodom za zapošljavanje KS u vezi sa programom 50+, za jednu osobu.

Zaključuje se sjednica u 16,32

Zapisničar

Ajla Janjoš

Predsjednica Upravnog odbora

SARAJEVA
Aida Cupović, prof.